



Kantonalna uprava civilne zaštite

Broj:18/03.2-44-9/09

Tuzla, 07.01.2009. godine

INFORMACIJA

o rezultatima Kantonalnog tima civilne zaštite za deminiranje i uklanjanje neeksplozivnih ubojitih sredstava na području Tuzlanskog kantona u 2008. godini

U V O D

Sukladno zaključenom Memorandumu o razumijevanju u vezi stvaranja održivog Odjela za uklanjanje neeksplozivnih ubojitih sredstava u Federaciji BiH, potpisanog 1998. godine između Komisije Evropske Zajednice i Vlade Federacije BiH odnosno Federalne uprave civilne zaštite, te na osnovu dokumenta «Izlazna strategija za stvaranje održivih timova civilne zaštite za deminiranje i uklanjanje neeksplozivnih ubojitih sredstava u FBiH», početkom godine potpisana je X Faza Programa deminiranja u Federaciji Bosne i Hercegovine.

Od posebnog značaja je činjenica da su cjelokupnu finansijsku potpru u provođenju Faze X pružile Vlade FBiH i Tuzlanskog kantona. Naime, Vlada Federacije obezbjedila je sredstva za plaće i materijalne troškove, a Vlada Tuzlanskog kantona je svojim Zaključakom iz budžeta TK odobrila sufinansiranje Kantonalnog tima civilne zaštite u iznosu od 168.614,24 KM za plaćanje poreza, doprinosa i beneficiranog radnog staža uposlenika deminerskog tima.

Za svaki Kanton je obrazovan po jedan ovakav tim kojeg čini dvije komponente, tzv. „A“ i „B“ komponenta čiji su pripadnici opremljeni i obučeni da intervenišu u svim situacijama i okolnostima koje se odnose na njihov djelokrug rada.

Period trajanja Faze X bio je od 21.01. do 31.12.2008. godine, odnosno nepunu godinu dana.

NEEKSPLOZIVNA UBOJITA SREDSTVA


Poslovi pronalaženja, prikupljanja, prevoženja i uništavanja minsko-eksplozivnih i neeksplozivnih ubojitih sredstava po zahtjevu općinskih službi civilne zaštite su, kao i ranije, obilježili cijeli tok trajanja X faze. Tokom ove faze znatan vremenski period pripadnici ove komponente su proveli na zadacima pružanja ispomoći na deminerskim radilištima odnosno zadacima gdje je bio angažiran Federalni tim civilne zaštite za mašinsku pripremu zemljišta.

Ove poslove na području TK obavlja «A» komponenta tima civilne zaštite koju čine 4 pripadnika koji posjeduju sve odgovarajuće certifikate za rad sa neeksplozivnim ubojitim sredstvima i opremljeni su svom neophodnom opremom i sredstvima za rad.

Sva prikupljena minsko-eksplozivna i neeksplozivna ubojna sredstva (NUS) uništavala su se na licu mjesta ako to okolnosti dozvoljavale ili se uništavanje vršilo na nekom od improviziranih mjesta – poligona za uništavanje NUS- a za što posjedujemo odgovarajuću saglasnost lokalnih organa vlasti. Skladištenje radne eksplozivne materije riješeno je zahvaljujući razumijevanju organa vlasti općine Banovići u prostorijama unutar kruga Rudnika mrkog uglja Banovići, a kojima sada gazduje Općinska služba civilne zaštite.

U toku izvještajnog perioda pripadnici "A" komponenta su odradili **580** zadataka što je rezultat koji ovaj tim svrstava u sam vrh u poređenju sa ostalim timovima sa područja F BiH. Zahvaljujući dobroj koordinaciji između Kantonalne uprave i općinskih službi civilne zaštite, a posebno pojedincima koji su zaduženi za ovu problematiku ostvaren je ovako dobar rezultat.


Kao period sa najintenzivnijim prikupljanjem NUS-a i dalje se može izdvojiti proljeće i jesen kada stanovništvo najviše vremena provodi obrađujuću zemljište i pribavlja ogревно drvo.




Pregled prikupljenog i uništenog NUS-a u toku perioda februar – decembar 2008.
(tokom mjeseca januara nije bilo izvođenja operacija uništavanja NUS-a)

Naziv sredstva	Feb	Mart	April	Maj	Juni	Juli	Avg	Sept	Okt	Nov	De	UKU PNO
Municija manjeg kalibra	488	2122	3.140	1247	796	374	1089	1325	1291	437	977	13.286
Municija većeg kalibra	0	86	19	16	7	4	19	134	445	29	9	768
Ručne bombe – razne	71	83	57	70	89	45	38	91	48	80	38	710
Projektili – razni	11	7	17	20	8	22	11	13	17	14	3	143
Pješadijske mine – razne	6	1	11	6	7	0	7	8	5	7	3	61
Tenkovske mine – razne	0	2	4	7	0	0	0	0	0	0	0	13
Tromblonske mina – razne	10	2	11	11	12	5	14	11	6	8	6	96
Raketa- "Osa", "Zolja",	4	0	1	6	1	0	2	0	0	10	0	24
Uupaljači – razni	0	0	1	27	0	0	1	6	2	0	0	37
Avio bomba	0	0	0	0	0	0	0	0	0	0	0	0
Ostalo (okviri, kapisle)	14	41	15	9	12	7	6	12	26	20	22	184
Trotil meci-100,200 i 500 g	1	0	0	1	0	0	2	23	0	0	0	27
UKUPNO	605	2344	3.276	1420	932	457	1189	1623	1840	605	1058	15.349

Treba napomenuti da je u odnosu na prošlu godinu došlo do povećanja broja neutralisanog NUS-a što ukazuje na opredjeljenje našeg čovjeka da se konačno oslobodi opasnih materija i svoje okruženje učini sigurnijim za normalan život i rad.



Tokom trajanja X faze pripadnici «A» komponente su neutralisali 15.349 komad raznog zaostalog NUS i 23,4 kg eksploziva raznih vrsta. Od osnutka tima (I – X faza) neutralisano je 404.369 komada NUS i 1.132,5 kg raznih vrsata eksploziva.



DEMINIRANJE KONTAMINIRANIH POVRŠINA

Druga „B“ komponenta tima za deminiranje CZ zadužena za pregled i čišćenje kontaminiranih terena sastoji se od 10 pripadnika razne specijalnosti i u toku ove godine bila je angažirana na pregledu i čišćenju vitalnih objekata i poljoprivrednih površina u općinama:

Br.	Općina	Lokalitet	Namjena	Met. rada	Površina
1.	Gračanica	Spreča 4.	Put i poljoprivreda	T I	13.298,67
2.	Živinice	Gornje Dubrave	Okućnice i put	Čišćenje	8.305,23
3.	Čelić	Bučje – Visori	Vodovod	Čišćenje	9.078,00
4.	Čelić	Prahulje-Ratkovići	Divlja deponija	Čišćenje	220,15
5.	Kalesija	Markovići – Careva kuća	Polj.zemljište	T I	95.000,00
U K U P N O					125.902,05

Napomena: Zadatak Markovići – Careva kuća na općini Kalesija nije završen i njegova realizacija je u toku. Dostignuta deminirana - uzorkovana površina iznosi oko 95.000 m². Projektnom dokumentacijom je predviđeno da se deminira površina od 101.526 m².

Tokom izvođenja deminerskih radova pronađene su slijedeće vrste i količine mina i neeksplozivnih ubojitih sredstava:

- PMA-2 3 kom.
- PMA-3 6 kom.
- PMR-2A 2 kom.
- NUS -. sitna municija 1.210 kom.
- NUS – krupna municija 421 kom.
- NUS – ručne bombe 5 kom.
- NUS – tromblonske mine 3 kom.

Sukladno usvojenoj Listi prioriteta za rad «B» komponente tima civilne zaštite za period Faze X možemo konstatirati da je izvršen prebačaj u odnosu na planski predviđene površine. Ovako dobar rezultat ostvaren je maksimalnim angažmanom svih pripadnika u timu, a dobra saradnja sa Sektorom za deminiranje i uklanjanje NUS-a Federalne uprave civilne zaštite kada je u pitanju angažiranje tima pasa (POEK), a posebno Mašinskog i tima za raščišćavanje u ratu porušenih objekata (PLANT tim), bila je od presudnog značaja za dostignutu deminiranu površinu.

Pregled ostvarenih rezultata od osnutka tima


Računajući period od osnutka tima može se konstatirati da je na području Tuzlanskog kantona «B» komponenta Kantonalnog tima civilne zaštite uz pomoć Mašinskog, POEK i PLANT tima Federalne uprave civilne zaštite deminirala površinu terena od 476.045,60 m². Obzirom da su ovom timu, po pravilu, dodjeljivani zadaci male površine i nezanimljivi za komercijalne organizacije i kompanije sveukupni učinak se ocjenjuje kao vrlo zadovoljavajući.

Pregled deminiranih površina po fazama-godinama


Faza I	Faza II	Faza III	Faza IV	Faza V	Faza VI	Faza VII	Faza VIII	Faza IX	Faza X
2.576	6.812	39.444	24.960	27.084	32.266	67.208	73.271	76.523	125.046

SVEUKUPNO : 475.190 m²

Grafički prikaz ostvarenih rezultata po fazama i općinama:



PREGLED DEMINIRANIH POVRŠINA PO OPĆINAMA
UKUPNO: 475.190 m²



Trajno obilježavanje rizičnih površina

Nakon realizacije projekata deminiranja Kantonalni tim civilne zaštite je bio obavezan da izvrši trajno obilježavanje samo na projektu *Bučje-Visori* kako bi se izvršilo odvajanje deminirane površine od rizične. Sav neophodni materijal (znakovi, kolčevi, cement i šljunak) za izvođenje radova na trajnom obilježavanju obezbjedila je općina na kojoj su se izvodili radovi. Realizacijom ovoga projekta trajno je obilježena površina terena od 479.100 m².

IZVLAČENJE NASTRADALIH OSOBA IZ MINSKIH POLJA «BRZI ODGOVOR»

Stradanja civilnih osoba u minskim poljima, nažalost, nije izostalo ni tokom ove faze. Bilježimo nekoliko nesretnih slučajeva stradanja od zaostalih mina, minskoeksplozivnih i neeksplozivnih ubojnih sredstava tako da su pripadnici tima civilne zaštite morali intervenirati na izvlačenju nastradalih osoba.

Angažiranje Kantonalnog tima civilne zaštite kao jedine institucije na TK sa certifikatom za izvlačenje nastradalih osoba iz minskih polja bilježimo u općinama: Lukavac (dva puta) i Kalesiji.

Općina	Lokalitet	Datum	Smrtno	Teže	Lakše
Lukavac	Trepale - Ozren	12.06.2008.	1	-	-
Kalesija	Kiseljak-Dubnica	20.06.2008.	-	1	1
Lukavac	Čelari-Turija	29.06.2008.	2	1	1
U K U P N O			3	2	2

Inače, od osnutka tima civilne zaštite u okviru Operacije «Brzi odgovor» bilježimo 34 intervencija pripadnika tima na izvlačenju nastradalih osoba iz minskih polja.

Općina	Broj interv.	Smrtno	Teže	Lakše
Gračanica	6	6	3	
Lukavac	15	16	7	2
Sapna	3	2	2	1
Teočak	3	3		
Kalesija	4	2	3	1
Tuzla	3	2	1	1
UKUPNO	34	31	16	5

U toku navedenog perioda na našem Kantonu bilježimo još minskih nesreća sa tragičnim posljedicama u kojima nije bilo angažiranja pripadnika tima civilne zaštite.

Prema podacima sa kojima raspolaže Kantonalna uprava civilne zaštite Tuzla, od potpisivanja Dejtonskog sporazuma do danas bilježimo preko 200 minskih nesreća na području svih općina Tuzlanskog kantona u kojima je smrtno stradalo 109, a teže i lakše ranjene 123 osobe.

ČIŠĆENJE OSTATAKA U RATU PORUŠENIH OBJEKATA – PLANT TIM CIVILNE ZAŠTITE

Stvaranja uvjeta za održiv povratak raseljenih i izbjeglih osoba podrazumijeva, između ostalog, i čišćenje ostataka porušenih kuća kako bi se moglo pristupiti izgradnji ili obnovi istih. Sukladno potpisanom Memorandumu o razumijevanju o stvaranju održivih timova civilne zaštite za provođenje zaštite i spasavanja od neeksplozivnih ubojitih sredstava i deminiranju terena pri Federalnoj upravi civilne zaštite organiziran je **Tim za mašinsku podršku uklanjanju i uništavanju NUS-a (Mašinski tim-PLANT tim)**.

Obzirom da kapaciteti ovoga tima nisu u početnoj fazi bili optimalno iskorišteni za pružanje podrške operacijama timova za deminiranje i uklanjanje NUS-a, ocijenjeno je korisnim da se dio slobodnih kapaciteta Mašinskog tima iskoristi za uklanjanje ruševina porušenih objekata van minskih polja što se u praksi pokazalo kao pun pogodak..

Na osnovu utvrđenog plana o angažiranju tima civilne zaštite na poslovima uklanjanja ostataka ruševina na objektima van minskih polja, u periodu od 06. do 30.10.2008. godine na našem Kantonu je boravio ovaj tim i izvodio operacije na području općine Čelić.

U periodu od 06. do 15. oktobra PLANT tim civilne zaštite je bio uključen u proces deminiranja na zadatku "Prahulje-Ratkovići".

Drugi dio svog boravka na području TK iskorišten je na poslovima uklanjanja ostataka porušenih objekata i to:

- MZ Šibošnica6 objekata
.....
Ukupno: 6 objekata

U pružanju pomoći pripadnicima PLANT tima bili su angažirani predstavnici Kantonalne uprave civilne zaštite, a posebno općinske službe civilne zaštite Čelić.

Inače, od 2003. godine od kada bilježimo prvi dolazak ovoga tima na naš kanton očišćeno je 100 objekata i pružena potpora u procesu deminiranja i to:

2003. godina

Kalesija13 objekata
Tuzla4 objekta

2004. godina

Sapna2 objekta
Gračanicapotpra deminiranju

2005. godina

Gradačac13 objekata
Kladanj 8 objekata

2006. godina

Srebrenik11 objekata
Tuzla14 objekata

2007. godina

Gračanica14 objekata
Banovići 15 objekata

2008. godina

Čelić6 objekata
Čelić potpora dem

SVEUKUPNO: 100 objekata

ZAKLJUČAK

Na osnovu rezultata koje je ostvario Kantonalni tim za deminiranje i uklanjanje neeksploziviranih ubojitih sredstava u Fazi X Programa deminiranja u 2008. godini na području Tuzlanskog kantona može se konstatirati sljedeće:

1. Kantonalni tim civilne zaštite za deminiranje i uklanjanje neeksploziviranih ubojitih sredstava obavljao je svoje poslove veoma profesionalno, kvalitetno i u skladu sa interesima Tuzlanskog kantona i njegovih građana.

2. Vlada Tuzlanskog kantona će u Budžetu kantona za 2009. godinu planirati potrebna sredstva za sufinansiranje rada navedenog tima u skladu sa ranije postignutim dogovorima i donešenim odlukama.

DIREKTOR

Zdenko Tadić